



Broj: 04-40-1-279/24
Sarajevo, 06.10.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 05.10.2024. do 08:30 sati 06.10.2024. godine

Štab civilne zaštite Kantona Sarajevo (u daljnjem tekstu: Štab) je u skladu sa Odlukom Vlade Federacije Bosne i Hercegovine o proglašenju stanja prirodne nesreće uzrokovane poplavama i klizištima na području Federacije BiH, broj: 1520/2024 od 04.10.2024. godine i Naredbom Federalnog štaba civilne zaštite, broj: 12-04-3-432/24 od 04.10.2024. godine, u toku prethodnog dana na ublažavanju i otklanjanju posljedica od poplava i klizišta na pogođenim područjima angažovao slijedeće strukture zaštite i spašavanja Kantona Sarajevo:

- na području Općine Jablanica, naselje Donja Jablanica, direktor Kantonalne uprave civilne zaštite Kantona Sarajevo, jedan državni službenik i jedan komandir iz Profesionalne vatrogasne jedinice i službe zaštite i spašavanja Kantona Sarajevo sa teškom mehanizacijom (jedan pauc bager i četiri bagera rovokopača) sa posadama;
- na području Grada Konjica, u naselju Buturović Polje, pomoćnik direktora za mjere zaštite i spašavanja sa dva službenika i članom Štaba iz Ministarstva saobraćaja Kantona Sarajevo i službe zaštite i spašavanja Kantona Sarajevo sa jednom radnom mašinom - bagerom sa posadom.
- na području Općine Kreševo u mjestu Gunjani, komandant Štaba, tri radne mašine (SKIP, bager rovokopač i kamion) i labudica KJKP Rad sa posadom na sanaciji putne komunikacije;
- Općini Kreševo dostavljeno 30 isušivača;
- pripadnici Profesionalne vatrogasne jedinice u saradnji sa Ministarstvom za rad, socijalnu politiku, raseljena lica i izbjeglice Kantona Sarajevo su iz Robnih rezervi Kantona Sarajevo dostavili neophodne potrepštine (hranu) domu – Ustanovi Baković u Fojnici;
- dvije ekipe JU Zavod za hitnu medicinsku pomoć Kantona Sarajevo, jedna u Jablanici, a druga u Konjicu na pružanju medicinske pomoći stanovništvu.

Štab je na osnovu zahtjeva Općinskog štaba civilne zaštite Kreševo, dana, 05.10.2024. godine donio naredbu kojom je naređeno općinskim štabovima civilne zaštite Ilidža i Hadžići da odmah iz svojih općinskih službi zaštite i spašavanja angažuju po jednu radnu mašinu (Skip) sa posadom i upute ih na područje zahvaćeno poplavama u Općini Kreševo.

U skladu sa navedenom Naredbom, jutros je na pogođena područja Općine Kreševo, Općinski štab civilne zaštite Ilidža uputio dvije radne mašine (Skip i labudicu) sa posadom (4 čovjeka), dok je Općinski štab civilne zaštite Hadžići upito jednu radnu mašinu (skip) sa posadom.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 8 manjih intervencija i to: 2 na gašenju zapaljenog dimnjaka, jedna na gašenju zapaljenog smeća u kontejneru, jedna tehnička na izvlačenju tijela iz rijeke Željeznice i 4 obezbjeđenja (tri na obezbjeđenju takovanja goriva na Međunarodnom aerodromu Sarajevo i jedna na obeznjeđenju kulturnog događaja).

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 10°C, vlažnost zraka 100%, barometarski pritisak 938,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvođe planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a